

¡BOMBA!

Sobre aviso no hay engaño, les fue a decir Rosa Icela; a probos les toca quiniela, y a otros les toca regaño



K'untzil

Lunes 31 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2800 · www.lajornadamaya.mx

Beeta'ab u nojkeetil áalkab Ciudad de México: jperuil Cristhian Pacheco, máax béeychaj u máan jach táanil

Cristhian Pacheco' j'p'áat ichil u múuch'il máak táanil u bin ti' le yáax 25 kilómetros ichil u 43 u téenal u beeta'al u nojkeetil Maratón Internacional de la Ciudad de México. Jperuile' juntakáalili' úuchik u bin tak kilómetro 30, tumen leti'e' ka káaj u táanilchajale' tak ka'aj jk'uch tu ts'ook u bejil le áalkabo'.

“Walkil jayp'éel winalo'ob paachil ka káaj k tukultik yéetel in entrenador bix u maas ma'alobil u yáalkabta'al le nojkeetila', ts'o'oke' láaj jóok' tu beel. Jach talam le nojkeetilo', ts'o'oke' tuláakalo'on t ilaj u talamil yóok'olal le alturao',

ba'ale' tin béeykunsaj”, tu ya'alaj máax náajalt u yáax kúuchil, máax jbin lu'um p'el úuchik u máansik meta.

Pacheco' tu yáalkabtaj 2:10:03 horas; tu paache' yanchaj etiopeilo'ob Anbesa Lencho (2:11.25) yéetel Balew Yihunie (2:11.58).

“Ku béeytal u ganarta'al le africailo'obo'. Talam u chukpachta'alo'ob, ba'ale' wa ka jach entrenar tu beele', ku béeytal”, tu ya'alaj Pacheco.

Jkeniail Boaz Kipkemi máan táanil le yáax kiléntroso', ts'o'oke' tu paache' ti' yanchaj jboliviail Héctor Garibay -máax

náajalt nojkeetil tu ja'abil 2023-beyxan Pacheco, panamericanoil bicampeón. Ba'ale', ma' béeychaj u chukpachtik u maasilo'obo' ka'aj p'áat paachil; ma' jna'ak podio'.

Tu keetil ko'olele', Etiopía béeykuns le yáax óoxp'éel kúuchilo'obo'. Kasegn Alemtsehay táanilchaj úuchik u yáalka'abtik 2:29:30 horas, tu paache' ti' yanchaj Gebremedhin Kidsan (2:32.23) yéetel Tefera Kolole (2:34.04).

Ichil bejo'ob tu'ux úuch áalkabe' ti' yanchaj Insurgentes Sur, Avenida Chapultepec, Paseo de la Reforma, Ejército

Nacional yéetel Avenida Juárez; u ts'ook beje', tu'ux ts'a'ab metae', ti' yanchaj Centro Histórico'.

Tu jaats keetil siila de ruedas, Brenda Osnaya máan táanil. Ichil tuláakal beje' mixmáak béeychaj u chukpachtik. Láayli' ti' le jaats je'elo', k'uch Jenny Hernández tu ka' kúuchil yéetel María Luisa Morales, tu yóox kúuchil.

Ichil u keetil xiibe', nojkeetile' béeykunsab tumen Gonzalo Valdovinos; u ka'ap'éele' Pedro Gandarilla yéetel Marco Antonio Caballero, tu yóox kúuchil.

Adriana Díaz Reyes / P 19
Oochel FB Maratón de la Ciudad de México

